

PRAVILNIK O IZLOŽBAMA

Član 1.

Izložbe u okviru Asocijacije za umjetničku fotografiju Bosne i Hercegovine (u daljem tekstu AUF BiH) mogu organizovati AUF BiH, udružene članice (klubovi, sekcije i foto grupe) i pojedinci. Izložbe se mogu organizovati u saradnji sa galerijama, muzejima, kao i savezima i društvima koji nisu članovi AUF BiH.

Član 2.

Izložbe mogu imati sljedeće rangove :

izložbe IV ranga

su izložbe na kojima su izloženi radovi od najmanje 10 autora

izložbe III ranga

su izložbe na kojima su izloženi radovi od najmanje 12 autora, od kojih najmanje 5 autora ima zvanje fotograf prve klase ili više

izložbe II ranga

su izložbe na kojima su izloženi radovi od najmanje 20 autora od kojih najmanje 8 autora ima zvanje fotograf prve klase ili više

izložbe I ranga

imaju državne izložbe i izložbe na kojima su izloženi radovi od najmanje 30 autora, od kojih je najmanje 10 sa zvanjem KMFAUFBiH ili MFAUFBiH.

međunarodni rang

Imaju izložbe održane u inostranstvu u kojima su izloženi radovi od najmanje 30 autora ili izložbe održane u BiH na kojima su izloženi radovi od najmanje 30 autora iz 5 zemalja.

FIAP rang

imaju izložbe pod pokroviteljstvom FIAP-a.

Član 3.

Ako se izložba sastoji od više tema, rang izložbe se određuje za svaku temu posebno. Rang izložbe ukoliko je pod pokroviteljstvom AUFBiH objavljuje se na web stranici.

Član 4.

Izložbe mogu biti izložbe monohromne (crno bijele) fotografije, kolor fotografije, digitalne fotografije, i fotocom-printa. Organizator propozicijama određuje da li će se fotografije vrednovati zajedno bez obzira na tehniku, u suptnom u propozicijama mora naznačiti pravila za svaku tehniku posebno.

Član 5.

Veličina izložbene fotografije je 30x 40 cm.

Organizator može propisati i druge dimenzije fotografija.

Član 6.

Na poledini fotografije mora pisati : naziv fotografije, ime i prezime autora, adresa stanovanja, klub, sekcija ili grupa sa adresom, te uz saglasnost autora - telefonom i e—mailom.

Član 7.

Za učešće na izložbi mora se priložiti prijavnica. Ukoliko je organizator nije dostavio posebne prijavnice, to se prijava mora ispisati čitljivo štampanim slovima i sadržavati : Ime i prezime autora, zvanje autora naziv fotografije, adresu autora i udružene organizacije za koju autor nastupa. Ako izložba ima više tema, prijave se moraju dostaviti za svaku temu posebno.

Član 8.

Na izložbama ne mogu učestvovati fotografije koje su bile ranije izlagane na toj izložbi. Autori koji za izložbu pri-

lože tuđa djela snose sami moralnu i materijalnu odgovornost.

Član 9.

Izložbe koje organizuje AUF BiH su :

- godišnja izložba monohrom fotografije
- godišnja izložba kolor fotografije
- godišnja izložba fotografije mladih

Digitalna fotografija smatra se fotografskom tehnikom. Organizaciju izložbi vrši organizacija kojoj to povjeri Upravni odbor AUF BiH. Izložbe fotografije mladih sastoje se iz dvije grupacije i to do 15 godina i od 15 do 21 godinu.

AUF BiH može izvršiti spajanje izložbi u godišnju izložbu fotografija pod nazivom FotoBiH.

Član 10.

Državne kolekcije koje učestvuju na izložbama u inostranstvu moraju sadržavati fotografije novijeg datuma. Pravila o formiranju državne kolekcije utvrđuje Upravni odbor, a izbor radova vrši koordinator kolekcija AUFBiH.

Član 11.

Na godišnjim izložbama AUFBiH mogu učestvovati državljani BiH iz zemlje i inostranstva.

Član 12.

Za izložbe fotografija koje organizuju udružene članice, može se tražiti zahtjev za pokroviteljstvo AUF BiH. Pokroviteljstvo izložbe, način dobivanja pokroviteljstva, izrada propozicija i ostale detalje uređeni su Pravilnikom o pokroviteljstvu AUFBiH.

Član 13.

Organizator izložbe je dužan štampati katalog izložbe koji naročito sadržava sljedeće :

- naziv izložbe sa rednim brojem kao i registarskim brojem u AUF BiH
- vrijeme održavanja izložbe, a za projekciju dija pozitiviva datum projekcije odnosno projekcija
- sastav žirija
- sastav organizacionog odbora
- spisak nagrađenih autora
- spisak primljenih radova na izložbi sa imenom i prezimenom autora i nazivom rada
- rang izložbe odnosno rang pojedinih tema na izložbi
- statističke podatke koji naročito sadrže; broj radova, broj autora, klubova, sekcija ili foto grupa, zvanja autora i popis po gradovima odnosno državama ako se radi o međunarodnoj izložbi.
- minimum reprodukcije nagrađenih radova

Član 14.

Organizator izložbe mora poslati diplome odnosno nagrade nagrađenim autorima najkasnije do roka za vraćanje radova. Organizator mora poslati kataloge najkasnije do roka za vraćanje radova i to :

- autorima koji su poslali fotografije na izložbe ukoliko se radi o print izložbi
- 3 komada AUF BiH
- po 1 komad klubu, sekciji ili foto grupi koja učestvuje na izložbi sa više od dva autora

Organizator je dužan AUFBiH dostaviti plakat izložbe, fotografije sa otvaranja, press kliping i druge pisane dokumente, kao i video zapise vezane za izložbu. Dokumentacija o izložbi može se poslati i u digitalnom obliku,

Član 15.

Žiri izložbe mora imati najmanje tri člana. Žiri određuje organizator izložbe. U pravilu žiri izložbe mogu činiti autori sa najvećim zvanjima u AUF BiH i FIAP, likovni umjetnici, likovni kritičari i drugi poznavaoici fotografije, s tim da obavezno dva člana žirija moraju imati zvanja AUFBiH - fotografa 1 klase i viša. Organizator može za žiriranje izlo-

žbe imenovati umjesto žirija, selektora koji obavezno mora imati najmanje zvanje KMF AUF BiH.
Za žiriranje državnih kolekcija, godišnjih izložbi fotografija žiri ili selektora određuje predsjednik AUF BiH.

Član 16.

Na izložbi se može maksimalno dodijeliti jedna prva, dvije druge i tri treće nagrade, kao i maksimalno pet pohvala. Jedan autor može dobiti samo jednu nagradu.

Član 17.

Na žiriranju se sačinjava zapisnik koji sadržava najmanje spisak nagrađenih radova, a poželjno je da sadržava spisak primljenih fotografija. Zapisnik potpisuje žiri ili selektor. Zapisnike čuva organizator izložbi.

Član 18.

Donošenjem ovog Pravilnika prestaje da važi dokument 04-2019. Ovaj Pravilnik stupa na snagu danom donošenja.

Član 19.

Pravo tumačenja ovog Pravilnika ima Upravni odbor AUF BiH.

Tuzla, 27. decembar 2026.g.

Predsjednik AUF BiH:
Božanović Ozren
Božanović Ozren



PRILOG 1.

Podaci na poledini fotografije za printanu verziju

Photography Association of Bosnia and Herzegovina Naziv kluba, adresa, email, web stranica, telefon znak kluba	Naziv Titre	
	Godina, mjesto Year, Place	
	Autor Auteur	
	Zvanje	
	Adresa Address	
	E - mail	